



Auzoaren itxura erabat aldatuko da Laskorain Goikoa planarekin. 1066 etxebizitza eraiki, Eloseggi Parkera sarbidea indartu eta auzoa hirigunearekin lotzea dira helburu nagusiak. A.B

Udalak San Estebango auzokideei, etorkizuneko auzoa nolakoa izango den azaldu die. 2014ean hasiko diren lanek, egungo auzoaren itxura erabat aldatuko dute. 1066 etxebizitza eraiki eta merkataritza guneak irekitzea dute helburu.

San Estebango etorkizuna

AGURTZANE BELAUNZARAN

Auzokideen egoneza eta zalantzak argitu asmoz, aste honetan bildu berri dira Tolosako Udaleko Teknikariak eta San Esteban auzoko bizilagunak. Kultur Astearen murgildurik diren honetan, aspaldian auzoaren etorkizunaren inguruan dabilen zurrumurruak argitu nahi zituzten. Halaxe egin ere.

Jokin Bildarratz alkatearen eta Udaleko Teknikarien azalpenak adi adi entzun zituzten bertan bildutako auzo lagunek. Eta auzoaren etorkizuna nolakoa izango den

entzun eta ikusi zuten; batzuk begi onez, txarrez ere bai, besteek mesfidati eta beste batzuk itxaropen tsu.

Udalak 2009ko martxoan onartu zuen Plan Orokorrean, San Esteban auzoagotik behera aldatzea erabaki zen. Laskorain Goikoa plana da San Esteban auzoarena.

1.066 etxebizitza berri

Udalaren lehentasuna etxebizitza eskaintza handitzea da. Laskorain Goikoa 1.066 etxebizitza egiteko asmoa dago. Hauetako %70a Babes Ofizialeko etxeak eta tasatuak izango lirateke, 700 etxebizitza in-

guru, alegia. %30a berriz, etxebizitza libreak izango dira. Eraikinen baxuetan, merkataritza guneak egingo dira. Auzoa, komertzio gune garrantzitsu izatea baitu helburu Udalak. Lan hauek egiteko, 55 etxebizitza suntsituko dira. Honek auzo arregan ezinezona eta urduritasuna sortu zituen. Udaleko ordezkariak, bizilagunak lasaitzen saiatu ziren «legeak babesten» di-tuela esanez. «55 etxebizitzak suntsitu baino lehen, etxe berriak eginak egongo dira, inor ez da kalean geratuko», gaineratu zuten. Bizitza guztia auzoan daramaten bizilagunen kezka nabaria zen. Baita

alokairuan urteak daramatzatene-na ere.

Aurkeztutako planaren egileek, auzoaren kokapena azpimarratu zuten; «trenbideak herriatik urrundu duen auzoan, etxebizitzak, industria, zerbitzuak eta komertzioa orden zehatzik gabe nahastu» di-rela aipatu zuten.

Hirigunetik gertuago

Trenbidearen bi aldeak batzeko, San Frantzisko ibiltokiarekin lotu-ko duen 40 metroko kalea proposatzen du proiektuak. Horretarako, egungo tren geltokia suntsitu eta lur azpiko pasealeku baten bidez, San Esteban herriarekin lotu-ko litzateke. Trengeltoki berria ere lur azpiko pasealekuan kokatuko litzateke. Auzokideek, aho zabalik jaso zuten berria. Proiektuarekin gustura ez eta auzoan jaiotako bizilagun beterano batek «San Esteban auzo xume bat da ez Mahattan» aipatu zuen, proiektu modernoarekin gustura ez eta.

Ferialekua ere azkenetan dagoela aipatu zuten, honen tokian, merkataritza zonaldea eta etxebizitzak eraikiko dira. Osasun etxeak bere tokia iritsiko dio. Baita Eloseggi Parkeak ere, zonalde berde hau auzoan integratu nahi da, bertara iristeko bideak erraztuz.

Hegoaldeko Industrialeari dagokionean berriz, zonaldea hobetu nahi da, indartu.

Aldaketaz beterik dator auzoaren etorkizuna. Honen aurrean, auzokideen kezka ere biderkatu egin ziren. Bakoitzak bere egoerari

aurre egiteaz gain, proiektuaren inguruko zalantzak sortu baitziren. Noiz hasiko da proiektua mar-txan? Zein etxe suntsituko dituz-te? Noiz hustu beharko ditugu gure etxeak? Zeintzuk diragure es-kubideak? Zergatik hainbeste gar-rantzi Eloseggi Parkeari orain?, zi-rela galderetako batzuk.

Jendearen kezka argitzen saia-tu ziren Udaleko ordezkariak bile-ran. Jokin Bildarratz alkateak, «proiektua ez da behin betikoa eta epe luzera egingo da, 2014ean has-iko gara lanekin» azpimarratu zuen. Denbora alde dutela eta, Udalak hiritarren partaidetza bul-tzatu nahi du. Bien arteko komuni-kazioa ahalik eta onena izatea dute helburu. Horretarako, auzokideak eta tolosarrak, herrian egingo di-ren bileretan parte hartzera bul-tzatu nahi dituzte. Bertan, zalan-tzak argitu, proposamenak jaso eta baloratu eta herriarren iritzia kontutan hartuko baita.

Kultur Astea bukaeran da

Azken txanpan sartu da ekintzaz beteriko astea. Gaur arratsaldeko 16:00etan haurrak altxorren bila abiatuko dira. Gero haur jolasak egingo dira eta zaldi gurdian pase-atuko dute. Bitartean, Mus Txapelketa jokatu dute helduenek. 18:00etan buruhandiak izango dira eta arratsaldeko hotza goxat-zeko, 19:00etan, txokolate beroa hartuko dute Bonberenea txaran-gak alaiturik. Gauerdian, La Banda del Jefe Bigun taldearen kontzer-tua izango da.

DENAK
taberna
URTEBURUENA
943 67 16 27 • Igaralde 4, baxua
20400 Tolosa

Astelehenetik ostegunera egitaratekoetan 2 pertsonentzako 2x1eko eskaintza

- Eskaintza gozatu nahi duenak, **aurretik tabernara deitu** dezala joango dela esateko
- Kupoiaz gain, **harpidedun txartela** ere eraman beharko da
- Eskaintzaren iraungitze data, **2010eko abenduaren 31**

TOLOSALDEKO
ETA LEITZALDEKO

hitza

DENAK
taberna
2x1 eskaintza

Izen - Abizenak:

Harpidedun kodea:

Erreserba eguna: